

端宗

定順王后

世祖

貞熹王后

德宗

昭惠王后

列聖誌狀通紀
四

列聖誌狀通紀卷之七

端宗恭懿溫文純定安莊景順敦孝大王

事實

正統六年辛酉

世宗十三年

七月二十三日丁巳誕

降戊辰封王世孫景泰元年庚午

位初年即冊

封王世子壬申五月即位乙亥閏六月十一日

禪位于世祖大王遂尊為上王七月甲申上尊

號曰恭懿溫文上太王奉移于昌德宮天順元年

丁丑正月甲申出移于瑜舊家六月癸丑因議政

府請降封為魯山君甲寅發向寧越郡以十月二

十四日庚戌薨享年十七翌日葬于郡北五里冬

乙旨里辛坐乙向之原今上宗肅二十四年戊

寅十二月二十五日乙丑上徽號曰純定安莊景

順敦孝廟號曰端宗陵號曰莊陵

封王世孫教命文月初三日戊午○冊文

不傳

王若曰於戲予承丕緒思祖宗付托之重夙夜

寅畏粵稽古昔帝王國本既端又世其胤所以重

宗統繫人心也惟爾元孫御端宗諱天資岐嶷稟性

英明乃今年可就師爰命爾為王世孫爾其親近

正人緝熙于學惟新厥德以孚永世之休敬哉

撰進之臣姓名不傳

封

王世子冊文

文宗即位初年庚午七月二十日壬戌○敕命不

傳

義存繼體既膺丕緒之傳事重承 祧宜正元良
之號爰稽古典庸舉彛章咨爾元子 德備
溫文姿凝岐嶷愛親敬長仁孝稟於天成重傳尊
師學問彰於日就乃荷 昭考之眷以定元孫之
名宗統攸歸輿情所屬是用冊爾為王世子於戲
茲服寵命益懷永圖惟懋德是祗惟正人是近尚
念 祖宗休烈以資邦家永猷可不慎歟故茲教
示想宜知悉

撰進之臣
姓名不傳

代宗皇帝封

王世子勅

文宗元年辛未五月二十四日甲子謝

恩使
賁來

自古有國者以順民為先今王有子

御諱端宗

國人

欲以後王特從所欲命為世子王其教之孝悌忠
信俾有以副國人之望可也仍命差來陪臣左議

政皇甫仍

實錄注云即
皇甫仁也

齋諭王王其體朕至懷

代宗皇帝降封典詔

九月端宗即位初年壬申閏
九月十七日丙子使臣至

朕恭膺天命主宰萬邦封建諸侯遠邇惟一此國
家之大典祖宗之成憲也况朝鮮國守禮之邦俾
統其民可無君長故國王李御諱文宗襲先代之爵
事天事大始終一誠克敬克仁遠邇咸譽屬茲薨

逝宜有繼承世子

御端宗

王之嫡長性資忠孝國

論攸歸今遣內官金宥金興賁勅封為朝鮮國王
繼主國事凡惟國中大小臣民夙夜惟寅盡心佳
輔務循禮分罔或僭踰長堅忠順之心永享太平
之福

封王勅

月日同上

得奏爾父王

御諱文宗

以今年五月十四日薨逝朕

深悼念茲遣內侍金宥金興賁文往爾國中諭祭

并詔示爾國人封爾

御諱端宗

為朝鮮國王繼爾父

主國事爾宜恪守臣節益堅事大之誠永固藩邦
庶遂承先之志欽哉故諭

封王誥 月日同上

國家奄有四海君主華夷一視同仁無間遠邇命德則寄以一方之任象賢則錫以累葉之承所以繫其衆心而俾臻于乂安也故朝鮮國王李

宗文御

諱端重謙溫聰明勤儉敬天事上始終一誠贊父

王既已有年致國人靡不信順恭承朝命斯須不違蓋其先王之賢子賢孫也胡享國之未幾遽告

終之來聞應有繼繩以統其衆爾

御諱端宗文乃

諱之嫡子既賢且長傳襲惟宜茲特封為朝鮮國

王於戲惟敬可以事大惟仁可以撫衆惟保境可以安邦惟順正可以享福惟率乃祖乃父之行庶

稱朝廷獎賢之心徃其欽哉毋怠朕訓

復位事實

肅宗二十四年戊寅九月三十日辛丑前縣監申奎上疏曰臣伏聞人情之所厭即神理之所安神理之所安即天心之所悅也是故天與神與人互為一體此感彼應捷於桴鼓未有人情不厭而神理能安者也亦未有神理不安而天心能悅者也比者灾孽荐臻年穀大侵仍之以飢饉重之以癘疫八路生齒半已鬼矣厦簞宵旰廊廟焦勞雖匹夫匹婦之幽枉有可以少厭人情者莫不追加昭雪曲施慰悅之道况堂堂

千乘之尊后妃之貴生有鬱結之恨死無尊崇
之典年代愈遠而公論愈憾者乎臣謹按昔我
世祖惠莊大王以天縱之聖屬河清之運戡定禍
亂天命人歸魯山冲年膺寶自視缺然應天
順人法堯禪舜遜于別宮稱為上王世廟冲
挹讓而不獲宗祊所托黽勉踐阼雍容揖遜
之美伯仲唐虞之盛即其受禪教文而觀之亦
可以有辭於萬世而不幸六臣之變出於意外
權孽鄭麟趾等密贊之議又從而激之使世
廟保護上王之恩有所未終是六臣謀復之
計適足以害魯山也忠臣志士之感尚至今

未艾 睿鑑所照想已理會必不待愚臣之覩
縷也運有循環事涉忌諱一片 孤墳遠在荒
陬五十餘年之間香火不及 中宗御極載舉
隆典特遣承宣備物致祭其後為 魯山立後
之論始發於李若冰之疏而爾時大臣不能正
議使敢言之人幾被不測之罪吁可惜哉 宣
廟時又因觀察使臣鄭澈狀啓改修 墓表祭
用一品之儀則我 列聖追報之典至此無憾
悠悠冥途之恨庶可以慰解矣然而以愚臣料
之猶有所未盡也夫以臨御之君而遭罹廢黜
如漢之昌邑齊之欒林及我朝之燕山光海皆

由昏德敗度自絕于天則其削號貶位待以不
死帝降為王王降為君其亦幸矣若乃禪位之
君曾無失德之可言而或出於一時之權宜或
迫於難言之事勢遜位統閑者周漢以降何代
無之而尊號之稱未聞貶損豈不以傳禪之事
異於放黜異讓之跡殊於敵怨故也臣不必遠
引前代 大明高皇帝之於元順帝也我 太
祖大王之於恭讓王也生待死葬並用帝王之
禮異姓革代之際尚猶如此况以王室之至親
行授受之盛事而反去其王號可乎 魯山君
之君臨一邦非一朝也國人咸知愛戴而既遜

之後猶稱上王則當時王號未嘗去也假令六臣者無謀變之舉而魯山考終其命則葬祭之必用王禮者斷無疑也惟彼六臣者不知天命妄有謀計祇以促其禍而已魯山亦復何與於其間哉貫高之變趙敖不與同坐者以不知其謀故也然則當時魯山之不得復稱王號者或由於事勢之所使然也而亦豈非有待於今日之聖明乎何者聖上既嘉六臣之節而特加褒歎許其立祠賁賜榮額是六臣之孤忠烈志受知於聖明而益光於百代之下也嗚呼彼為故主死節之六臣已蒙聖明寵

美之恩况為六臣之故主而不知其謀曾無疵
德而然猶沒不得寧祭不用王禮者獨不為

殿下之愍然處乎時移事往丘壠已平蓬科蕪
沒狐兔躑躅春風杜宇長入騷人之句麥飯寒
食空吞野老之聲天荒地老哀恨難夷土人相
傳楓哭時聞安知夫無限幽冤盤礴鬱律於泉
臺之下百世不化又安知祖宗在天之靈洋洋
陟降之際有不盡傷於倮然之孤魂耶今
若追復王號祭用王禮封其寢園加置守護
別立祠殿備其儀物一如皇朝追復景皇
帝故事則揆之法制不為僭越叅諸古昔允合

情禮神理可慰而天心可悅人情亦必為之翕

然矣

此下言
后事見第十二卷

殿下如以

祖宗未

遑之典有所遲徊也臣亦有說焉 貞陵之廢

二百有餘年而 顯廟復之 昭陵之廢五十

有餘年而 中廟復之其他士類之橫罹冤酷

如趙光祖金淨輩何限亦莫不申白於既往之

後褒贈於 累朝之餘於以益見繼述之善美

而重光于前烈也未聞以事係 先朝之故知

其可改而猶為置之也我 殿下臨御以來風

化大闡文教益敷一節之士如有晻昧不顯之

事則筵席之間必發褒嘉之議 聖明亦必翕

受而曲成之獎厥興起之方今臣所論二者乃是
殿下家法而典禮之不可不舉者也名義
之不可不復者也伏乞 聖明下臣此疏博訪
廷臣追修曠典亟舉縟儀則非但我 聖上光
前耀後之盛德美事也實今日慰答人情感動
天神之一大關鍵也灾沴可消而永命可祈也
答曰省疏具悉茲事至重且大可不博詢而處之
焉十月二十日辛酉 傳曰茲事至重且大而
會議之人無多無寧咸集百僚於大庭雜議之
為愈也令廟堂稟處焉癸亥大臣啓曰自前朝
家有大事則百官庭請雖或有之至於咸集百

僚雜議大庭曾所未有之舉而茲事至重至大
不可視同常例依 聖教百官會議似合於博
詢之道令政院分付該曹舉行何如 傳曰允
甲子領議政柳尚運右議政李世白啓曰臣等
謹與宗親文武百官祇詣大庭以 魯山大君
慎妃復位號事依定奪會議以多官各自書呈者
四百九十一張都封以入臣等膚淺之見亦為
一體書入以備 睿覽之意敢啓 答曰茲事
已有默運於心者當待收議畢至而處之焉丙
寅 傳曰在外大臣儒臣收議畢到之後當下
備忘記于賓廳政院知悉其日大臣六卿判尹



三司並命招已已

備忘記曰予竊惟

光廟

受禪之初尊奉

魯山為太上王矣又命月三

行起居之禮矣不幸末梢處分恐非

光廟之

本意而究其源則由於六臣也六臣既褒其忠

節則於其故主之追復位號未知其更有嫌碍

而皇明景泰之事雖不相類亦可倣而行之

矣予以為今茲追復益有光於光廟之盛德

也噫日者申奎之䟽展讀未半傷感之懷自切

于中而未嘗以輕論重事有一毫不平底意思

此所以先詢於筵席者也嗚呼神道人情不甚

相遠無乃

祖宗在天之靈悅豫於冥冥之中

而有此相感之理也以疎逖之臣論至大之舉
可謂千載一時而事竟不行則更待何日乎噫
天王家處事自與匹夫不同是以或決揮乾斷
不拘拘於論議者自古有之矣事苟可行何必
持疑其令禮官亟舉縟儀此下俯詢
后事見第十二卷
庚午禮曹啓曰今此 魯山大君追復位號事
有令禮官亟舉縟儀之 命矣 廟號謚號陵
號及 夫人謚號徽號陵號必須先為議定然
後其他應行節目可以次第舉行議定大臣及
政府堂上六曹叅判以上館閣堂上當為命招
會議而伏見 備忘辭旨以 皇明景泰之事

可以倣而行之為教考諸明史則景泰皇帝
追復位號初在於憲宗之時而猶未有廟號
其後始乃追上今此廟號一款何以為之敢
稟傳曰依啓廟號議定可也

肅宗御製詩

并序

一月十一日

肅宗

二十四年

戊寅

十月

辛巳書下海昌尉吳

周泰

惟我端宗大王定順王后復位祔廟之禮

實國家莫大之慶也嗚呼予於追復之事有志未
就積有年所頃當特復六臣官爵遣官設祭寧越
之日追懷遄事感愴倍切何幸申奎之疏一出而
予志成予從此可無餘恨矣茲豈非惟天惟祖

宗之陰騭也耶謹以一律用志其喜卿宜和進
興言疇昔事感淚幾霑裳授受同堯舜聖神邁禹
湯縟儀追舉日世廟德彌光獲遂平生願歡欣
我獨長

追上謚號王冊文

戊寅○按
亥閏六月

端宗三年乙
世祖受禪七

月十一日甲申上恭懿溫文
上太王尊號而冊文不傳

維歲次戊寅十二月辛丑朔二十五日乙丑嗣王

臣

御
諱

謹再拜稽首上言竊以推位讓國至德無稱

獻謚尊名闕典乃舉茲將顯冊敢薦微忱恭惟

恭懿溫文大王仁聲令姿世孫元嗣自在弱歲荷

英陵負背之慈連遭大喪承文廟類面之訓

無奈國步之多難以致曆數之有歸移居上宮禮
愈極於尊養固辭徽號意彌存於撝謙且慕周泰
伯之荆仍作帝重華巡野看花天遠嗟景命之不
延葬衣山深慨縟儀之未備今殆過二百年所尚
有感千萬人心肆庸集議於羣工遂定升祔於
列祖虎賁嚴衛如迎翼室之宅宗龍旂戒行若奉
冕服之歸亳雖傳序已及於桃位然節惠可闕於
彛章精而粹慈而仁靡有爭競履乎正由乎義罔
不服從至若名廟而資揚尤見守禮而恭遜心輕
萬乘誠難擬議其高風德重千秋允合表揭其盛
美爰卜吉日式陳明裡謹遣臣議政府領議政柳

尚運奉玉冊上尊謚曰純定安莊景順敦孝廟號
曰端宗仰冀 睿靈俯垂冲鑑肇稱殷禮庶是饗
而是宜申錫洪休期俾昌而俾熾嗚呼哀哉謹言

領中樞府事臣南九萬 撰

祔 永寧殿親祭文 戊寅

維歲次戊寅十二月辛丑朔二十七日丁卯嗣王

臣諱敢昭告于 端宗恭懿溫文純定安莊景順

敦孝大王 懿德端良齊敬定順王后宋氏伏以

於昭 溫文 顯廟之穆有臨御尊著禪讓德丕

號廟饗典常攸宜違時不幸殷禮久虧神理陞鬱

今二百祀 列朝因循盖重其事小子緬想興感

于衷祇思善繼庭議詢同代雖及桃禮宜追遠爰
舉祔儀並隆中壺位承禰室稱情合度崇奉
如初增光聖祖仰惟陟降庶同慰悅躬詣告
成敬薦芬苾

復位後

親臨頒教文

月日同上

大提學

臣

徐宗泰

撰

王若曰曠典修於宗祏祔儀既成大慶洽於神
人綸音載播寔出至惻用答羣心言念前代禪傳
之盛規必有當世位號之隆報蓋脫屣萬乘固至
德之無稱况臨宸一邦豈尊名之終闕恭惟端
宗大王元嗣正位冲歲承基天質夙著英明可期

守文之盛時運政

舊本作雖

繼熙洽尚有多難之憂秉

禮而克謹大倫

虞已而仰成懿戚倚毗深摯

若

成王之待周公揖遜從容藹然虞帝之授神禹是

為達權而識命賴有鞏業而綿圖享太上之尊榮

四字之微稱既備篤

兩宮之和敬每月之朝禮

頗伸不幸變釁屢興遂見

遂見一本

崇奉終替譙

光可質於在上寧有王室危疑之虞謬議悉出於

盈庭諒非

聖祖親愛之志聲澤掩翳

廟饗闕

而靡依山川渺綿仙遊遠而何所肆神理之久鬱

增輿情之胥恫三載臨御之尊豈以幽顯而有間

一代禪讓之懿汔未表揭而致崇徽故實而恒懷

感歎詢庭議而庶伸情禮惟累朝因循而有缺
宜思繼述之方雖世序久遠而及祧敢緩經常之
典追躋廟室悉復儀章並隆坤闡丕揚徽號
悅精靈昭臨而洋洋乎上想祖宗默慰於冥
冥之中象設俱新於寢園百神來衛龍旂載迎
於私第庶品交欣信天道之必伸乃歷二百年而
如待始邦禮之無憾可眎千萬代而有辭允為稀
濶之盛休詎無曠蕩之洪澤宥辜而至重辟咸囿
並生推恩而逮庶僚嘉與同慶云云於戲彞章肇
舉於遐祀庶諒追遠之誠渙號誕敷於多方共勉
圖新之治故茲教示想宜知悉

大提學臣徐宗泰撰

莊陵表石陰記

前百篆大字朝鮮國
端宗大王莊陵

端宗大王諱

文宗大王嫡嗣

母妃顯德

王后權氏以正統辛酉七月二十三日誕生王

戊辰封王世孫景泰庚午冊封王世子壬申

五月文宗昇遐王嗣登大位乙亥尊為上王

上號恭懿溫文天順丁丑王在江原道之寧越

郡是年十月二十四日薨春秋十七葬郡北辛坐

乙向原肅宗大王二十四年戊寅追謚王恭

懿溫文純定安莊景順敦孝大王廟號端宗陵曰

莊祔

永寧殿

懿德端良齊敬定順王后宋氏

事實

端宗大王二年甲戌正月二十二日甲戌冊封為
王妃 世祖大王即位之乙亥七月甲申尊為
懿德王大妃丁丑六月癸丑降封為夫人命營室
于東大門外英嬪貞洞以居焉 中宗大王十六
年辛巳六月初四日甲申薨壽八十二命禮曹喪
禮依大君夫人例葬于楊州乾川里癸坐丁向之
原今 上 宗 肅二十四年戊寅十二月二十五日
乙丑上謚號曰定順徽號曰端良齊敬陵號曰思
陵

封

王妃教命文

端宗二年甲戌正月二十日甲戌正

王若曰自古帝王之為天下國家也必先立配所以基萬福之源也咨爾宋氏生於茂族有淑德令姿宜主宮闈恭承宗廟今遣使孝寧大君補副使正憲大夫戶曹判書趙惠備禮冊為王妃其祗服恩命用敬內治以丕衍無窮之基故茲教示想宜知悉

王冊文

月日上

撰進之臣
姓名不傳

王若曰乾坤合德生成萬物王者法天必立元妃所以奉宗統而基風化也予以冲末嗣守丕基敬

戒相成當資內助是用博採茂族旁求懿德咨爾
宋氏性稟溫柔德著幽閑固宜正位中臺毋臨一
國今遣使孝寧大君補副使正憲大夫戶曹判書
趙惠授王冊寶章以為王妃於戲合體同歡以承
宗廟關雎之化螽斯之慶皆自今日始可不慎
歟故茲教示想宜知悉

代宗皇帝封

王妃誥

端宗三年乙亥四月
二十二日丁酉

宣誥

撰進之臣
姓名不傳

奉天承運皇帝制曰朝廷錫爵本於推恩妃匹相
家貴於順正國之正典不爽厥施爾宋氏乃朝鮮
國王御諱端宗之妻柔順有稱相成無忝夫既襲乃

王爵爾宜錫以貴稱特封為朝鮮國王妃爾尚恪
導婦道以助藩家欽哉

追上謚號王冊文

肅宗二十四年戊寅
按乙亥世祖受禪初

大王尊號時同上懿德王
大妃之號而冊文不傳

惟歲次戊寅十二月辛丑朔二十五日乙丑嗣王

臣

御

謹再拜上言竊以顯號揚烈追修躋祔之縟

儀令德儷尊仍舉節惠之曠典始克稱於名實寔

庶慰於神人恭惟

懿德王后篤生華宗光婉

冲辟懿姿夙慧佐始初之清明陰化潛孚協內外

之雖穆逮至達權而禪讓盖亦裨猷而資成受太

妃之崇名且膺徽美享一國之隆養共怡優閒不

幸時變屢興遂致廷議多謬日淪月晦失黃道並
明之暉浦思山哀結蒼梧未從之痛處約而王度
無玷委順而寶筭彌遐神理久鬱於在天芳塵寢
翳廟享尚闕於累一作永世庶品同嗟念丕稱豈
間於顯幽而缺禮或待於久遠叅諸古制斷自微
衷揆彼天道之必伸敢緩表揭冀我宗事之無
歉宜備情文爰復王章升桃室而序代並隆
壹位薦寶冊而易名恍若翬一作本翟之重輝宛然
乾坤之齊體想聖祖崇奉之雅意豈不為光抑
列朝陟降之明靈默有所啓真游斯集漢陵之
簾帷始新耿光復昭周廟之琬琰載煥緬故實而

增感陳物采而致虔謹遣臣議政府領議政柳尚
運奉玉冊追上尊謚曰定順徽號曰端良齊敬冀
諒深誠俯賜昭鑑垂徽彤史雖歷二百年而可徵
衍慶瑤圖庶訖千萬禩而靡替嗚呼哀哉謹言

思陵親祭文

肅宗二十五年己未
卯八月初四日

大提學

臣

徐宗泰

撰

洪惟端廟在冲嗣服篤生碩媛俁天婉極夙
著陰功柔嘉雖穆勲華禪授秉德彌勤東巡之後
事難索言竹淚長滋欄花又春杳邀仙遊掩翳芳
塵一抔維楊荒麓蓁蓁樵芻隕泣行路傷神重光
盛典累朝因循神理彌鬱輿情痛盡藐茲小子

瞻言疇昔一念愴傷中心蘊結旻天孔昭有定必
伸惟斷予衷寔先議臣導先王志稽我家禮事
固宜然時若有待煥復天位先宣大冊民謠士抃
慶騰宗祏並隆坤極齊陞太室煌煌彤管
永揚徽烈寢園之制仍舊加飾百年蓬科有儼
象設父老改觀山原動色近在畿服茲申禮覲涼
秋荏苒氣候搖落嶰嶰岡巒蕭蕭松栢顧瞻徘徊
增予心感克蠲芬苾虔薦悃悞幽明不隔庶冀降
格

前大提學

臣

吳道一

撰

思陵表石陰記

前

面篆大

定順王

后思陵

字朝

鮮國

懿德端良齊敬定順王后宋氏 端宗大王妃正
統五年庚申誕生景泰五年甲戌冊封 王妃乙
亥尊為懿德王大妃天順元年丁丑降為夫人正
德十六年辛巳六月四日昇遐葬于楊州南羣場
里癸坐之原壽八十二 肅宗戊寅復位上謚

列聖誌狀通紀卷之七

列聖誌狀通紀卷之八

世祖惠莊承天體道烈文英武至德隆功聖神明
睿欽肅仁孝大王

行狀

廣宗即位初年戊子遣中樞府知事
李石亨等奉表如大明告計請謚

國王姓李氏諱

字

莊憲王第二子

母

妃沈氏本國領議政府事溫之女也以永樂十五
年丁酉九月丙子生天資英明好學不倦德器日
就封首陽君 莊憲王晚年罹疾 王性至孝晨
夕侍側未嘗少懈比薨哀慟毀瘠觀者莫不感嘆
景泰三年 恭順王薨 帝遣尚膳監左監丞金
宥右監丞金興賜謚祭又賜 嗣王誥命冠服

嗣王選遣王奉表赴京稱謝四年姦臣皇甫仁

金宗瑞等聚羣不逞謀逆禍機已迫王告嗣

王誅除六年嗣王舊本有以字弱齡且疾國內多故

遣陪臣具由陳奏請傳付國事于王七年二月

帝遣內官尹鳳金興來錫舊本作賜詰命仍賜王

及王妃冕服冠服綵段王遣陪臣奉表陳謝

仍請立嫡子德宗御諱為世子王既受封夙夜

惕厲憂勤庶政常以務農興學求賢養兵為先務

七月下教曰監司受命分憂舊本無分二字撫育一

道黜陟臧否比聞守令廉平愛民者寡徒事厚斂

甚至營私傷民若是而監司不能刺舉則責任之

意安在夫國之所以為國軍民而已知軍民之弊而無所措置則予牧民之意安在監司責守令予責監司體統相維綱舉目張此國之大政也自今若有誠心撫字務農桑勤種畜養兵馬無滯囚薄自奉惠老疾興學校者予必不次擢用少有反是必用重典賞善罰惡國之大柄予敢有私以累天心十月 勅封 嫡子御諱德宗為世子 王奉表稱謝仍請遣 世子朝見 帝諭曰國王要遣世子來朝乃古者列國世子受命于朝之意也亦人臣敬上之所當然緣今天寒跋涉艱難世子已到關上即便入朝如未到關不必來朝 世子已登

途 王聞命止之天順元年二月 王聞 英宗

皇帝復位奉表稱賀 帝遣翰林院修撰陳鑑太

常博士高閏齋詔勅賜 王及 王妃錦幣表裏

王宥境內奉表稱謝九月 世子御諱 德宗病逝

王請立 第二子御諱 睿宗為世子 勅曰朕惟

享有舊本無國土繼體為重今得王奏以世子德

宗御諱早逝國人請立第二子御諱 睿宗特允所請以

御諱 睿宗為朝鮮國王世子王尚訓以忠孝俾敦德

秉義毋慢毋驕庶副國人之望 王奉表稱謝

王令 世子謁先聖入學行齒胄禮博士執經授

業 王每遇事舊本有必字援引古今諄切論說以訓

世子又擇儒士授以經史親著訓辭一篇以恒
德敬神納諫杜讒用人勿侈使宦慎刑文武善述
十事為目備述為國之要常令世子誦之天順
二年王諭諸道守令曰汝等孰不知省刑罰薄
賦歛修武備勸農桑遵奉憲章致君無過為意耶
堯舜雖聖致治必資股肱汝等皆我股肱分憂四
方者也蓋天生蒸民立以司牧天不自有所為必
借之君君不能獨親庶政必委之百官然則人主
與百官均是代天理民當日慎一日常以不合天
心為慮君若荒縱不恤民事天降之殃汝守令亦
如是焉若體予意愛民如子刑罰無濫清白勤儉

則顯有超賞名垂後世若貪刻苛暴貽弊於民則
即受刑戮身死家亡夫十目所視其能掩乎十二
月山東都司登州衛總旗鎖慶等四十五人遭風
漂流到我國境王親見勞慰厚資衣糧解赴遼
東帝降勅褒獎三年王教曰養育人才非一
朝可成又非人人皆用雖有才而教不勤則不成
雖有人而試不預則難用宜常誘掖勸勵數試之
為登用之備數引諸生講問經史三月王至成
均館謁先聖發策取士自後頻謁先聖王嘗患
學者師授不明各執所見議論紛紜會諸儒論難
四書五經同異親自臨決剖析肯綮至當歸一羣

議以定易學啓蒙精密難曉 王親著註解以曉
學者 王嘗於後苑酌舊臣酒仍與射帳 王發
必貫鵠有進詩者 王手札示之曰予少年氣雄
心壯自在於遊藝以為平生之業今則不然若徒
為馮婦而不知所以節之則非致治服戎之道也
又見諸臣詩皆有警戒之詞益感股肱之忠和之
詩曰欲少欲可滿事簡功可一作乃成敬天天乃保
勤民民乃寧小藝莫致慮大政宜致精又曰憂患
生安樂暢達菱困窮天命固靡常惟善以為從毋
忘交修志思與有始終四年 王以本國在海外
書籍鮮少文學未精請遣子弟入學 勅曰王國

詩書禮義之教傳習有素表箋章奏與夫行移吏
文悉遵禮式雖未能盡通漢音而通事傳譯未嘗
不喻何必子弟來學初毛憐衛兀良哈浪卜兒哈
世居我國會寧地面與我國人民世相婚嫁無異
編氓其子亦升哥來住王城娶妻從仕卜兒哈欲
赴王城邊將創減僞從卜兒哈發忿至王城與亦
升哥同謀還誘親黨煽動諸落亦升哥請治病吉
州溫泉倍道馳驛就父同叛邊將迹知其謀拿致
卜兒哈父子以啓王按覈俱服乃置於法建州
右衛都指揮佟火偏赤等虛捏為辭謀舊本無字欲
報復帝遣禮科給事中張寧來問根由悉得其

情卜兒哈之子阿比車逃竄彌聚羣黨侵擾邊疆
九月沿江屯結潛師竊發邊將分道追擊殺獲幾
盡王即具由以聞七年王教曰為國莫大

本

先作於用人用人尤重於擇將將者生民之司命國
家安危之主也故云將者國之輔國之強弱係輔
之周隙則任用之際其可或輕乎故人主常自擇
將而下不得注擬者豈非任之重故不可假人以
柄耶雖然深居宮中雖明四目人之賢否豈能盡
知故不得不疇咨博訪以資僉舉既舉之後擇而
用之則在乎上耳昔漢高之興也蕭曹皆沛鄉吏
平豈以天下之無人只以知之之難耳予以寡昧

守茲艱大恩無逮下威不及遠常安不忘危思得
將才凡大小臣僚皆與我共治者勿拘卑顯勿嫌
親姻具錄才行實封以聞稱爾所舉賞當延及舉
或不中予不爾罪 王以昇平日久則武備必弛
月再閱陣春秋講武又自著說訓勵諸將略曰兵
者以智運用以用應智智者本仁義度我人審地
利也用者明形數一節制利器械也本仁義則如
之何明學校嚴君臣崇文武守典章是也度我人
則如之何觀天運校將士計曲直察勞逸是也審
地利則如之何乘風水達道里因高下據險易是
也明形數則如之何修軍籍預作隊定人心一耳

目是也一節制則如之何勸教閱恒賞罰比臨敵
無少貸是也利器械則如之何人各造禁常用勸
牧馬考黜陟是也又嘗序 恭順王所著陣法略
曰自風后握奇以後諸葛亮李靖得其遺法雖因
時宜有八陣六花舊本有之
名二字而其理則至于今未
嘗異我 殿下以追天未雨之志修定陣法兼著
漢之勢盡奇正之變法天地明人倫集大成於先
哲立弘規於後葉文約而意深法簡而用繁其連
陣之外陣者六七八九之數也內陣者五十之數
也間陣者一二三四之數也此法河圖之文也合
陣之中衛包內外者五十之包內外也四衛之離

乎方者一六二七三八四九之各離乎其方也此
法洛書之變也駐統方列戰統圓聚方以守之圓
以行之此法天地之體也外陣方而內陣圓義形
於外智藏於內此法陰陽之用也各保小將父子
之親也聽於一將君臣之義也陣有牝牡夫婦之
別也隊伍相愛兄弟之情也法令不愆朋友之信
也此法人倫之道也是故教兵而民知禮義國家
恒安也傳曰國之大事在祀與戎孔聖舊本作子曰不
教民戰是謂棄之教戰者國之大事夫孰不愛七
尺之軀重百年之命履屍涉血爭首赴敵者諒由
教之預而法先定勢先固而氣力成也管子曰教

士三萬橫行天下此無他變剛柔而固其勢耳小
而一家大而天下無非勢合而成也始也乾坤之
既判善惡之必有對治亂之必相因愚迷之徒有
違命負力者則王者當有以接之故不得已制為
干戈以討不服此因亂勢而制兵也及乎塵清海
晏豺狼屏迹放馬投戈制禮作樂時叙九功乃歌
七德此因治勢而偃兵也然則兵之出入無非勢
也成化三年八月 皇帝勅曰建州三衛童山等
本以蕃臣世受朝恩近者陽為朝貢之名陰行盜
邊之計朕宥之而愈肆不得已用兵致討惟爾朝
鮮國王世守禮義忠於我國家有加無替朕甚嘉

馬若我兵加于彼逆虜王宜閉絕關隘使彼奔迸
無所入以就擒殄若王能遣偏師與我軍遙相應
伺便而蹙之則彼之授首尤易而王之功愈茂忠
愈彰矣朕豈無以報王哉勉樹勲名時不可失

王即遣陪臣康純魚有沼南怡領一萬餘兵馳渡
鴨綠江分道直抵建州東北潑豬江兀彌府諸寨
擣其巢穴擒斬賊酋李滿住古納哈及其黨類焚
蕩屯落而還王遣陪臣高台弼獻俘四年四月
勅曰朕命將率師致討建州逆虜俾王協助天
兵今得王奏知遣陪臣中樞府官康純等統衆萬
餘渡鴨綠潑豬二江攻破兀彌府諸寨殺逆虜李

滿住古納哈父子斬獲其俘屬焚其廬舍積聚得其所掠我東寧衛人口遣陪臣吏曹叅判高台弼齎俘已將王所獻賊屬依例處置人口給親完衆牛畜給軍屯種良由王世篤忠貞故朕以尺札命王而王國之衆響應于海東朕之將士雷厲風驅內外合勢逆虜瓦解王可謂無負朕所命矣朕與王君臣同心豈不美哉今遣內官姜王金輔至王國賜王綵段白金紋錦西洋布其康純高台弼等亦各有賜以旌其勞王其欽承之 王奉表稱謝六月登州衛提旗鎖慶等四十三人漂流到我國境 王厚資衣糧解送遼東上國之人或自海上

馬若我兵加于彼逆虜王宜閉絕關隘使彼奔迸
無所入以就擒殄若王能遣偏師與我軍遙相應
伺便而蹙之則彼之授首尤易而王之功愈茂忠
愈彰矣朕豈無以報王哉勉樹勲名時不可失

王即遣陪臣康純魚有沼南怡領一萬餘兵馳渡
鴨綠江分道直抵建州東北潑豬江兀彌府諸寨
擣其巢穴擒斬賊酋李滿住古納哈及其黨類焚
蕩屯落而還王遣陪臣高台弼獻俘四年四月
勅曰朕命將率師致討建州逆虜俾王協助天
兵今得王奏知遣陪臣中樞府官康純等統衆萬
餘渡鴨綠潑豬二江攻破兀彌府諸寨殺逆虜李

滿住古納哈父子斬獲其俘屬焚其廬舍積聚得其所掠我東寧衛人口遣陪臣吏曹叅判高台弼肅俘已將王所獻賊屬依例處置人口給親完聚牛畜給軍屯種良由王世篤忠貞故朕以尺札命王而王國之衆響應于海東朕之將士雷厲風驅內外合勢逆虜瓦解王可謂無負朕所命矣朕與王君臣同心豈不美哉今遣內官姜玉金輔至王國賜王綵段白金紋錦西洋布其康純高台弼等亦各有賜以旌其勞王其欽承之王奉表稱謝六月登州衛總旗鎖慶等四十三人漂流到我國境王厚資衣糧解送遼東上國之人或自海上

漂到或自虜中逃還者前後所解遼東無慮數百人悉皆厚慰資送秋九月甲子王以病薨于正寢享年五十二在位十四年王英果勇智恭儉寬簡天性篤學手不釋卷經史諸書一覽不忘淹貫古今以至曆算音律醫卜之理靡不精研遇有施措觸處洞照自幼一言一動皆明白正大無纖毫矯飾事上以誠接下以禮正家法而盡其雍穆厚人倫而極其恩愛嚴妃妾之分明嫡庶之等享祀必躬法令必信臨政銳精唯以敬天勤民為心日勤日慎無少暇豫陞賢能黜退邪佞崇儒術而英才作興尚武事而士卒精鍊明賞慎罰務農

重蠶輕徭役薄征斂身先儉約常服浣濯 王妃

以下皆斥華飾放出宮人只令纔備灑掃汰冗食
省浮費以節財用不數年間儲峙盈衍民日殷富
而申儆監司守令或遣使廉訪責祛民瘼赴外任
拜辭者亦必引見曲諭分憂字民之意乃遣由是
澤下究情上達鰥寡無盖日引臣僚咨詢舊本
作訪治
道雖處小事亦自師虞舍己無難有匡救箴諫者
必虛懷聽納以廣言路或值閒燕招延儒雅尚論
歷代治亂成敗之迹講明聖賢道統性理之奧日
晏夜分亶亶不為疲常訓戒儲貳貽謀經遠慮
祖先以來憲章雖具科條滋多有司或眩於遵守

且時異世殊有不得不變而通之於是叅酌商確
務從簡切定著一國大典為後世持守之規交鄰
以義唯務輯睦示以誠信故雖島倭野人之頑獷
亦無不怛威赧德自受命以來竭誠述職慎守藩
翰凡有 帝命恐不及祇若 天眷特加荐蒙寵
綏東民歡悅方願永年旻天不吊遽罹于疾及至
垂絕神思不少亂慮勞民以襄後事遺命喪葬悉
從儉約歿猶惠民可勝痛哉

漢城府尹

臣

徐居正

撰

按實錄高靈君申叔舟寧城君崔恒漢城府尹
徐居正等撰此行狀本文又不載於居正文集

此云居正撰者未知
何據而今姑從之

光陵誌文 戊子

洪惟我世祖大王盛德大業巍蕩赫濯莫罄名

言今略叙梗槩用識于玄宮謹按大王世

宗第二子昭憲王后沈氏以永樂十五年丁酉

九月丙子誕王王少舊本無英睿好學不倦為

兩宮竒愛封晉陽大君後改首陽正統十一年

丙寅昭憲王后薨景泰元年庚午世宗薨

王哀毀盡禮觀者罔不悲感壬申文宗薨帝

遣使賜謚祭又錫嗣王誥命嗣王遣王奉

表如京師舊本無陳謝癸酉姦臣顓政聚羣不逞

謀變王告嗣王誅之以勲封奮忠仗義匡國

求將領不拘卑顯親姻錄才行以聞 王銳意戎
事月再閱陣春秋講武自製兵將等說訓勵諸將
每語將士曰武而不文非將也遂加敦勸凡在行
間無不讀書成化元年乙酉秋南巡至溫陽策士
養老如西禮丙戌 王以累朝立法科條寔繁商
確損益定為經國大典又以經費無據貢賦不均
詳定規式於是吏易奉行民弊悉祛東巡至江陵
策士蠲逋欠減田租丁亥咸吉道之人李施愛矯
殺節度使等誘民以反命將討之師還班賞將士
有差封敵愾功臣四十五人秋八月 帝遣使請
兵助攻建州三衛諸虜 王命將領兵一萬擊破

婆豬江元彌府諸寨使獻俘 帝遣中使褒獎賞
賚優厚諸將亦各有賜戊子九月甲子 王以病
薨于壽康宮之正寢享年五十有二在位十有四
年 王睿智英毅寬簡仁儉勇力蓋世學問融貫
內典百家亦莫不窮研處事正大一言一動無間
然者敬事諸父友愛諸弟皆盡歡心閨闈雍睦名
分正肅敦朴先民身衣浣濯宮人只備灑掃餘悉
放出日引大臣咨訪治道間延儒雅尚論歷代治
亂之迹講明道學之奧疊疊忘疲或至夜分乃罷
臨政勵精日慎一日崇功賞賢黜邪遠佞信賞明
罰勸民積蓄輕徭薄斂汰去浮費以節財用不數

年間府庫充裕民物殷阜每申儆監司守令或遣使廉問朝臣外補者皆許陛辭面諭分憂之意責以成效治有異等者增秩優褒或有漁奪濫刑者雖細不貸搜羅俊異士有小善一藝率皆甄錄往往擢以不次遇士一見顏色洞照肺腑後言臧否無一不中惠鮮鰥寡廣詢博訪務求民隱田里無銜冤者十四年間敬天勤民一出至誠舊本作誠事大交隣皆盡其道島夷山戎奉珍納款無遠不至東方之治於斯為盛民罔不小大顙望永享不吊昊天八音逮遏可勝痛哉憑几前一日王以璽傳于今上殿下遺命後事悉從儉約今上亮闇

盡禮率羣臣上謚曰承天體道烈文英武至德隆
功聖神明睿欽肅仁孝廟號世祖十一月甲申葬
于楊州治東豐壤縣直洞之原號曰光陵噫書之
聖神文武易之剛健粹精詩之明類長君我世
祖大王實兼之矣大妃尹氏坡平世家贈左議
政璠之女也配聖毓德誕二男一女長則懿
敬世子次我殿下女懿淑公主世祖初為
殿下娶上黨君韓明澮之女為嬪生一男嬪與
男皆先亡又娶清川君韓伯倫之女生二男一女
皆幼一男先亡世祖既傳位于殿下命封為
妃懿敬世子初封桃源君娶右議政韓確之女

生二男長曰嬙封月山君娶兵曹判書朴仲善之

女次曰

御諱成宗

封者乙山君娶韓明澹之次女女

適承賓洪常懿淑下嫁河城君鄭顯祖貴人朴氏

生二男長曰曙封德源君次曰晟封昌源君德源

娶司直金從直之女生二男一女皆幼

禪位教臣僚書

端宗三年乙亥閏六月十一日乙卯

撰進之臣姓名不傳

予小子遭家不造幼冲嗣服深居宮掖之中內外

庶務蒙未有知致兇徒煽亂國家多故叔父首陽

大君

御諱世祖

奮發忠義左右我躬克清羣兇弘濟

艱難然兇徒未殄變故相仍屬茲大難非予寡躬

所能鎮定 宗廟社稷之責實在我叔父叔父
先王介弟以德以望有大勲勞於國家天命人心
之所歸也茲釋重負以付畀我叔父嗚呼宗親文
武百官大小臣僚其匡輔我叔父以對揚 祖宗
之休命

集賢殿副提學 臣金禮蒙 撰

讓位奏文

乙亥閏六月二十九日
癸酉端宗遣使陳奏

臣竊念自童稚得疾氣常不順臣父先臣恭順王
文宗於景泰三年薨逝臣年甫十二承襲罔知
御諱攸為凡百庶務委諸臣寮至景泰四年姦臣謀逆
禍機斯迫叔父陪臣首陽大君 世祖奔告於臣

列聖言行錄卷八

旋即戡定然猶凶徒未殄變告恐當相仍人心未

安念臣孱資難以鎮定社稷安危所係甚重祖世

諱先臣母弟學通古今有功有德允孚輿望已於

景泰六年閏六月十一日令權襲軍國勾當伏望

聖鑑洞察特降明允

撰進之臣姓名不傳

代宗皇帝降封典詔世祖二年丙子四月二十日己未使臣內官尹

金興來錫命

朕惟封建諸侯固當謹於國序撫安庶類尤在順

乎人心雖一時之宜亦百王之法朝鮮國王李端

宗御諱早以嫡嗣襲主東藩自顧孱弱之軀莫辨姦

兇之患志存安國身不固榮推位已遜於宗賢嘉
德宜從於懇請茲特封王叔父御諱世祖為朝鮮國
王代主國事凡爾一國臣庶務悉恭順毋違永肩
忠義之心安享太平之福故茲詔示咸使聞知

封王勅

月日同上

勅諭朝鮮國王李

御諱端宗

叔

御諱世祖

近得王奏稱

其質本孱弱國用艱虞惟爾賢良宜遜乃位俾詢
于國謂皆屬心茲特從其所遜遣內官尹鳳金興
賁詔諭告國中并勅諭爾封爾為朝鮮國王代主
國事爾宜恪守臣節益堅事大之誠永固藩邦毋
忝嗣王之讓其令御諱端宗仍以爵閑居爾須常加

優待毋忽今特賜爾并爾妃冕服冠服及綵段等件至可領也

封王誥

月日同上

國家封建無間遠邇必立君長以主其國以撫其民此我祖宗以來之制然也爾

御世祖

乃朝鮮

國王

御端宗

之叔父志存忠良才具文武

御端宗

自顧其孱弱以國遜讓爾賢能不徒辭榮之可嘉抑且安邦之足尚肆從所請錫以閒居特封爾為朝鮮國王代掌國事嗚呼惟敬可以事大惟仁可以撫民惟和可以睦親惟順正可以享福服膺遜讓庶保初終往其欽哉毋忘朕訓

上尊號冊文

庚午世祖三年丁丑三月初七日
上御勤政殿世子率

百官上
兩殿尊號

誕受丕基方撫景運贊揚盛德宜極尊稱茲率舊
章敢伸歸美恭惟聰明睿智剛健粹精炳幾先
而掃羣凶保安宗社善繼述而凝庶績輯綏黎
蒸惟文謨武烈之並隆諒古往今來之罕比且歲
園丘之熙事乃配皇祖於昊穹大禮告成三靈
默佑欲彰至道之妙寔在徽號之崇爰舉縟儀式
闡顯冊臣等不勝大願謹奉冊寶上尊號曰承天
體道烈文英武伏惟少垂聖鑑茂對鴻休益懷
宏遠之規永享康寧之福

撰進之臣
姓名不傳

樂章同上

應天人握符籙紹百聖皇建極武功赫文治修祿
太室祀圜丘於盛美難形容崇徽號播無窮

謚冊文

君睿宗即位初年戊子領
諡率百官上謚冊實子

撰進之臣
姓名不傳
議政龜城
殯殿

維成化四年歲次戊子十一月丁巳朔二十一日

丁丑孤子嗣王臣諱謹再拜稽首上言竊以有德

得其位誕膺丕基節惠易其名祗薦徽號聊申哀

慕敢擬形容恭惟 皇考大王睿斷雷馳神謀天

授炳幾仗義式遏羣凶順天應人奄臨一國方值

亨屯之始克恢為政之規劬農明刑礪兵訓卒吐
哺納羣策運制權綱前席引諸儒色笑教誨交隣
有道事大以誠叙九族以仁恩賓四門以禮讓天
地經緯大造同闔闢之機日月光華美化煥文明
之盛惟一紀太平之治諒千載難遭之休僊茲竭
勞授以艱大愛日之誠何及終天之痛遽深茲竭
純誠載揚景鑠謹奉玉冊上尊謚曰承天體道烈
文英武至德隆功聖神明睿欽肅仁孝大王廟號
曰世祖仰惟冲鑑俯垂明歆月恒日升膺鴻名於
不朽天長地久錫景福於無窮

哀冊文 戊子

維成化四年歲次戊子九月丁巳朔初八日甲子
世祖承天體道烈文英武至德隆功聖神明睿
欽肅仁孝大王薨于正寢是年冬十一月二十八
日甲申遷座于光陵禮也龍輜警引蜃輅啓轍陳
象設於園寢儼虛衛兮池緯兆庶雨泣於街郊萬
靈風號於寥廓孝子嗣王擗地無容終天何極
悼鷄寢之永違攀鳳馭兮莫及降綸音於鸞殿
撰徽猷於玉牒其辭曰仙李盤根傳祚奕葉
聖繼神承重熙累洽泰道中微屯運適值孽牙其
間睥睨神器世祖在邇宗社是衛至明炳幾

大勇電掣天步復安厯數攸繫牢讓不獲大統入
繼駕馭羣雄鼓舞一世昂新庶政革故積弊聖
學高明道妙默契繼往心傳定易口訣招延宿儒
講論前席時著訓辭日就儲德祭天南郊策士大
學昭儉浣衣務斥華飾椒壺儀整棣萼恩廣五刑
惟恤一筭戒枉寬民無盖老者善養大事在戎注
意閱武命衛部將置提管府宣傳設官兵將著說
丁括號牌額增軍籍東狩南巡民安物阜政先農
蠶富積倉庾參酌條科勒成典章餘事真教虔禮
道場天花晝雨甘露宵灑協氣旁騰禎符屢彰白
鹿來馴青鶴飛翔威風震北朔庭遂空神化漸東

航海來同隴禽入貢水兕納錫至治之象惟德繫
物盜據公險兵弄潢池敢肆虔劉自擁旌麾命將
搴旗拉朽建瓴胡虜犯邊 天子徵兵萬軍齊向
羣醜此屈穴擣三衛俘獻九闕 帝嘉丕績睿眷
彌渥盛德神功光前絕後祝億載壽為萬民父胡
馮相之稭告忽 宮車兮晏出嗚呼哀哉聖本生
知藝又多材前代博觀大度益恢廓清區宇再掃
妖疇勲忠碩輔如帶如礪勵精乙夜貽謀燕翼圖
臻太平三五媿隆克艱厥位十四年中節宣有乖
憂勞積久未至大漸遂釋重負冀居閒以怡養庶
永享於慶祚嗟金方良藥之不效乃至几末命之

乍道嗚呼哀哉日遽淪兮揮戈莫駐天之崩兮鍊
石誰補鼎湖兮棄弓喬山兮留舄哀喪考兮攀號
痛孺哭兮嗚咽嗚呼哀哉乘白雲兮帝鄉卜青烏
兮壽原宵奠兮瓊竿曉發兮金根列綺城之哀仗
引滋橋之度愔風懷楚兮颺酸旒月慘悽兮喝苦
輓仰仙遊兮縹緲局夜臺兮聞寂嗚呼哀哉大德
之未必壽兮巧曆之莫能測諉宵冥之理數兮揭
魏蕩之功烈後玄壤以長存冠蒼穹而罔極嗚呼
哀哉

憲宗皇帝賜祭文

欽 肅宗元年己丑閏二月
差太監崔安鄭同等 賁祭

撰進之臣
姓名不傳

文謚語及賻奠物而采十六日辛未上
以表服安等素服行賜祭賜謚禮于思政

毀如儀

唯王早膺世爵保國海東敬天事上終始一誠宜
永壽年以享貴富嬰疾遽終聞計增悼茲特謚曰
惠莊遣官諭祭靈其不昧尚克欽承

賜謚

月日同上

朕惟君臨外藩者既受命於曩日垂譽後世者在
錫號于茲時所以全始終之恩彰忠順之義也故
朝鮮國王

御

世祖諱

溫仁賦質經史娛心嘗執贄而

來朝繼累功而得國冕服應九章之賚車書歸一
統之尊備屏翰十四年瞻闕庭數千里秉禮豈殊

於近甸助威况殄於遠夷胡不享齡遽茲達計肆
特賜謚惠莊於戲序五廟昭穆之位已易爾名傳
三韓疆域之封復爵爾嗣用褒臣敬庶慰予恫

文昭殿樂章

於赫世祖天縱聖哲定難保大無競維烈光闡

隆平垂裕無疆嗚呼魏蕩永世不忘

於赫曲
初獻

維上帝眷大德撫東民於皇我后受命維新武

定文治開昌辰化隆大猷物阜民康昭揭典則貽

謀長事大克誠便蕃寵章恩覃威遠爭梯航禮樂

明備至治馨香三靈薦祉駢嘉祥於昭于天錫羨

無疆繫千萬禩享蒸嘗

維上曲○亞獻○終
獻靖東方曲見前

光陵表石陰記

前西篆大字朝鮮國大王光陵貞熹王后附左

撰進之臣姓名不傳

世祖惠莊承天體道烈文英武至德隆功聖神明

睿欽肅仁孝大王 皇明永樂十五年丁酉九月

二十九日誕生宣德三年戊申初封晉平大君後

改咸平又改晉陽又改首陽景泰六年乙亥閏六

月十一日受禪成化四年戊子九月七日傳位于

睿宗同月八日昇遐十一月二十八日葬于楊

州東注葉山直洞子坐之原在位十四年壽五十

二 皇朝賜謚惠莊 妃慈聖欽仁景德宣烈明

順元淑徽慎惠懿神憲貞熹王后尹氏永樂十六

年戊戌十一月十一日誕生宣德三年戊申封樂
浪府大夫人景泰六年乙亥冊封王妃成化十
九年癸卯三月三十日昇遐六月十二日葬于
大王陵左岡丑坐之原壽六十六

慈聖欽仁景德宣烈明順元淑徽慎惠懿神憲貞
熹王后尹氏

誌文

成宗十四年癸卯

謹按

舊本無謹按二字

大行王后尹氏坡平世家遠祖

諱瓘相高麗睿宗位太保門下侍郎恢拓邊疆功

烈蓋世謚文肅

一作敬

世濟其美皇曾祖諱陟純誠

輔理功臣重大匡鈴平君皇祖諱承禮贈崇政大

夫議政府右贊成皇考諱璫贈純忠積德補祚功

臣大匡輔國崇祿大夫領議政府事鈴平府院君

謚貞靖皇妣李氏亦仁川著姓封興寧府大夫人

正憲大夫叅贊議政府事謚恭度公文和之女以

永樂戊戌十一月丁亥生 太后于洪川之公衙

太后生而淑婉稟資異常宣德戊申 世祖大

王初出閣 世宗大王妙擇賢配 太后以德容

門望被選來嬪封樂浪府大夫人按實錄謂封三韓國大夫人宣

自樂浪進封三韓 奉事 兩宮夙夜匪懈凡膳羞

衣櫛必自省視乃進克盡誠孝由是 兩宮寵愛

在諸婦之右宮中事皆委之 太后每當免娠

兩宮必親臨護視時有出觀父母特命司饗設供

具在本邸若有喜慶當辦亦如之其見眷遇之隆

如此 世祖自在潜邸有經世大志留神書史不

屑細務 太后恭儉勤勞以修內職景泰壬申

文宗上賓

幼冲在位宗戚權奸表裏盤結國勢

阽危癸酉

世祖炳幾靖難

太后協策資襄以

濟大事乙亥

世祖踐阼冊為

王妃丙子

帝

遣使賜冠服自是累受

欽賜綵段天順丁丑羣

臣上尊號曰慈聖王妃

太后自正位以來益自

謙畏雖宮中日用纖細事必啓稟乃行

世祖為

造內教寶如意圖書使取便焉然猶不敢擅而行

之成化戊子

世廟賓天

太后哀慕羹牆凡遇

世廟平時嗜進之味不忍嘗之雖蔬菜若在可

薦必薦

文昭殿而後乃敢嘗之其誠心篤敬久

而不怠焉

睿宗尊為

王大妃加上欽仁景德

宣烈明順元淑徽慎惠懿之號己丑 睿廟陟遐
繼嗣未定 太后以我 主上殿下有德有望天
命人心之所歸俾承大統 殿下請 太后聽政
太后固讓力請乃許惟軍政重事纔令稟決而
己未幾還政 殿下尊為 大王大妃加上神憲
之號國家連遭大戚庶事艱殷 太后保護 聖
躬留神政務未嘗暇逸慈仁煦嫗與物為春數年
之間朝野寧謐我 殿下天性至孝日三視膳問
安奉養克備凡有國家大計必稟 懿旨乃行
太后自戊子在疚以來過於悲傷節宣稍違 宸
衷軫慮親調藥餌溫清無違庶幾勿藥壬寅春

太后移御景福宮居閒調攝遊神冲漠 殿下薨
栗祗懼益虔孝養癸卯春 太后幸溫陽離宮疾
大漸三月壬戌薨春秋六十有六訃至 殿下號
慟輟膳內而六宮外而大小臣僚下及僕隸莫不
悲痛 殿下服喪行三年之制以 太后功德最
盛 下旨有司庀喪務從隆厚凡奉葬之儀同於
大王焉唯歛用之具則以 太后嘗自言我無功
於國我死勿以厚葬凡衣稱預為准造皆用緇布
不以段綺華麗之物至是從 遺教不敢違焉五
月二十五日丙辰上謚曰貞熹王后六月十二日
癸酉安厝于 光陵之東丑坐未向之原禮也

太后生稟聖德作配 世廟化家為國以主內治
身服澣濯斥去華靡禮接嬪嬙恩深逮下雖至女
隸之賤必加敬愛好生之德出於天性人有罪過
務加恩貸不欲置之於法而又處心至公不為親
戚私惠修齊治平之化覃及遐邇陶鑄至治垂三
十年雖古夏塗周華之盛何以加諸其尤卓然者
能決定大策付托得 聖式至今休吁盛矣哉意
必永享長樂保乂 神孫而遽聞 末命嗚呼痛
哉 太后誕二男一女長 德宗初封桃源君乙
亥封世子早薨 上即位上 謚曰懿敬大王甲午
帝賜謚曰懷簡大王次即 睿宗女曰懿淑公

主 德宗配韓氏議政府左議政確之女今封仁
粹王大妃 睿宗初配韓氏上黨府院君明澮之
女早薨謚曰章順王后 後配韓氏議政府左舊本
右議政伯倫之女今封仁惠王大妃懿淑下嫁河
城府院君鄭顯祖先卒 德宗二男一女我 殿
下於次為季長曰嬪封月山大君女曰明淑公主
殿下初配韓氏亦明澮之女早薨謚曰恭惠王
后次配廢妃尹氏生男愷封為世子次配鈴原府
院君壕之女生女幼淑儀金氏生一女嚴氏生一
女淑容鄭氏生二男一女淑媛洪氏生三男一女
宮人河氏生一男金氏生一女沈氏生一女皆幼

月山娶平陽君朴仲善之女明淑下嫁儀賓洪常
先卒生一男幼 睿宗後配韓氏生一男一女男
曰珣封齊安大君女曰顯肅公主下嫁儀賓任光
載

封 王妃教命文

七月二十日

世祖元年乙亥

撰進之臣
姓名不傳

乾坤合德聖人則之爰立厥妃以資陰教咨爾尹
氏名門淑德結髮為耦餘二十年于茲主饋宜家
罔或有愆今予叨為一國臣民之主爾既儷體名
位不可不正肆冊爾為王妃庶幾無忘前日終始
一德用刑于家邦敬之哉

冊文

同月日上

撰進
姓名不傳

天地定位萬物以生君后合德萬化乃成立元妃
所以佐內治宣陰教也咨爾尹氏名家世族令德
來嬪以勤以儉率禮不愆自予潛邸之初式至今
休孝順之蹟國人所知宜正位號以表儀中壹爰
遣領議政鄭麟趾中樞院事朴仲林授爾冊寶立
為王妃噫上承宗廟下原風化其履中體順永
惟終始共享我國家用保我子孫敬之哉

撰進之臣
姓名不傳

上尊號

慈聖

冊文

三

世祖三年丁丑
初七日庚午

德配乾剛式隆王教之本位正坤順咸仰母儀之
尊宜建鴻名益昭懿範恭惟性稟貞淑心存儉
勤內助協於塗山密贊龍飛之造徽音嗣于太姒
茂開麟趾之祥基風化於四方衍本支於百世茲
舉禋禮誕敷洪休臣麟趾不勝大願謹奉冊寶上
尊號曰慈聖王妃伏惟王妃殿下端居禁闈光
膺顯號承一人之有慶享五福於無疆

集賢殿直提學臣李承召撰

樂章

月日同上

維上帝眷有德倪天妹生我國體坤育母東民關
雎化麟趾仁奮歆歆上顯冊歌以頌垂罔極

撰進之臣
姓名不傳

王大妃加上尊號

欽仁景德烈明淑徽

冊文

宣統元年 睿宗元

月二十二日丁未 素白玉帶行禮于內殿百官借吉行禮于

宣政 殿庭

坤元厚德雖莫罄於名言人子至情宜詠揚於徽

號茲率舊典少答洪私恭惟

慈聖太妃

太妃舊

王本作大妃

殿下性稟

舊本

柔嘉躬履節儉配乾儀而

立極繼義曜以齊明維德之行翼龍飛於五位受

命既固

受命既固舊本

衍鴻休於百男念惟孱資

叨承大業莫匪文母之教敢忘昊天之恩雖當淵

默而不言庶幾圖報於罔極肆採輿頌庸舉縟儀

臣諱不勝大願謹奉冊寶一本無寶字上尊號曰太

妃慈聖欽仁景德宣烈明淑徽懿伏惟太妃本

如舊本作王太妃殿下光膺顯稱茂介繁祉作母儀於一

國享天祿於萬年

禮曹叅判臣李承召 撰

加上尊號順元冊文己丑九月十六日丙申

孝無加於進進字禮更竭微誠敬莫先於尊親盍

崇徽號茲率彞典敢舉縟儀恭惟太舊本作大

妃殿下夙體坤柔克配乾健實乃覩天之聖固自

應期而生誕策提甲之神猷用樹鴻業密贊垂衣

之至治適隆燕謨猥將菲資叨承懿範奚報同極

之德庶伸歸美之情爰備彌文於椒闈載揚景鑠
於王檢臣御諱不勝至願謹奉冊寶上尊號曰太
妃慈聖欽仁景德宣烈明順元淑徽慎惠懿殿下
伏惟舊本有王字太妃殿下光膺顯禮茂迓純禧名
者實之賓既煥殊稱於有永壽乃福之首益祈遐
筭於無疆

大王大妃加上尊號

冊文

正成
月宗
十八

撰進之臣
姓名不傳
辛卯

以冕服率百官上
仁粹王妃尊號

恭以祗荷 慈訓之仁舉國以聽宜極徽稱之禮
示民有尊茲率舊章恭獻寶冊恭惟 慈聖欽仁

景德宣烈明順元淑徽慎惠懿王大妃殿下任姒
聖德馬鄧神功贊烈祖于家于邦中興景業啓
後人不承丕顯益鞏靈圖雖聖號之已崇顧愚
衷之有歉載稽加上之典用伸歸美之誠臣諱不
勝大願謹奉冊寶加上尊號曰慈聖欽仁景德宣
烈明順元淑徽慎惠懿神憲大王大妃伏惟勉受
洪名得歡心於四表茂膺繁祉享榮奉於萬年

樂章
同上

撰進之臣
姓名不傳

思齊 太后德配任姒贊我烈祖保佑後嗣
母臨三朝功高千古於萬斯年受天之祐

謚冊文

成宗十四年癸卯五月二十五日
丙辰遣領議政鄭昌孫率百官上謚

撰進之臣
姓名不傳

冊于
殯殿

追遠慎終不勝感愴易名定謚宜極尊崇祇率舊
章用伸孝懇恭惟 大行大妃尹氏道齊任姒德
侔塗莘樛木葛覃化已形於宮壺螽斯麟趾慶益
篤於子孫三紀 母臨萬姓孺慕顧予冲藐仰荷
睿慈獲嗣無疆之休思效罔極之報何 聖善
之厭世奄仙馭之乘雲嗟永闕於 音容盍追增
於位號茲揚盛烈庸展哀思上尊謚曰貞熹仰冀
明靈俯受寶冊申錫繁祉衍本支瓜瓞之綿幽

貧鴻圖繫 宗社苞桑之固

撰進之臣
姓名不傳

哀冊文 癸卯

維成化十九年歲次癸卯三月壬戌 大行大王

大妃薨于溫陽之行宮六月癸酉將 舊本無 遷座

得本無 于 光陵禮也龜猷協日駟馭首途晨燎

哲哲於廡衛愁雲靄靄於 舊本 綿區八神將驛三

爵既斲 哀孫主上殿下祖載殫誠摧慕疾 舊本

心痛仙仗之不返悲永巷之莫臨乃 降睿旨俾

頌徽音其詞曰嫺汭嬪虞曾沙母漢王道之成實

資協貧代有形史昭哉粲粲於皇我朝家法最正

聖善相繼曰篤其慶續女鈴原是生 碩媛

世祖初載誕膺妙選儷體 藩邸承歡 宸極妯

娒戚畹咸懷嬪則間罹弗造國步中微密佑神謀

寶命有歸功存十亂位正中闡率禮蹈和顧史陳

詩心虔蘋藻教闡絃一本作統綖壺化川流十有四年

二聖禮陟憂虞相聯日行黃道由其幹旋宸器

得主瑤圖帖然博厚載物振後光前深惟挹損燕

處怡神明德之德宣仁之仁巍巍魏舊本衆美

總之一身翼翼 神孫拳拳 慈訓懋昭前烈重

熙昌運式罄孝思奉以一國庶幾眉壽永享多福

頃因清舊本作清疾稍愆 王度靈泉薰浴乘此春煦

吉語初騰

榮衛和裕翟茀將返懽溢都中何圖

馮相告祲行宮皇祗震夜圓魄淪空三朝未展八

頌其普嗚呼哀哉司造莫測壑舟倏移萬歲之祝

一霎已而追皇英於湘水兮宴金母於瑤池委環

珮兮披靈衣擁夷槃兮張素帷嗚呼哀哉龍袞慘

以變縗兮撫末命而攀號驚班隱以成踊兮本一

無兮懷社飯以驚咷循凱風兮曷報仰昊天兮蓋

高輶輶殷麟原野逶迤青門永隔紫閣長歌嗚呼

哀哉因山既卜吉日載洎威儀夙列羞醴潔蠲鄙

禹穴之不朽兮遵鮒隅以同阡梧桐數兮拳拳鳳

凰鳴兮噓噓厭塵世之滂濁兮娛壽原之鬱葱嗚

呼哀哉理有屈伸數亦終始茫茫堪輿誰能久視
唯至德之不朽兮尚有賴於圖史我聖后之懿
美兮宜同符於任姒與鴻祚以無疆兮流芳聲於
萬禩嗚呼哀哉

弘文館應教臣金宗直撰

大殿

宗成

祭

殯殿文

癸卯五月十七日戊申

明明聖后基我王道暉章令淑以翼祖考邁
德宣猷大業有造克正坤儀丕闡內治化洽關雎
慶衍麟趾貽燕寡昧堂構是保庶資顧復恒祈難
老奄爾登遐棄我何早沉哀罔訴如何窮昊嗚呼
哀哉太任母周塗山佐禹我后之德異世同矩

頃遭多難 二聖禮陟人心危疑咸仰懿策乃眷
小子俾守歷服保佑扶持昊天罔極萬機惟煩實
同聽決澤被黎庶功施社稷明識遠慮猶懷冲挹
旋御清讌含飴為樂謂萬斯年永膺遐福天乎不
吊遽罹禍棘嗚呼哀哉微病沉綿迄未平康祈禱
無應藥餌無良庶幾調攝乃御溫湯朝野騰歡無
妄有喜瞻望魚軒旋期孔邇何辜于天而至於此
嗚呼哀哉飯含不親 儀容莫及肺裂肝摧攀呼
何極 龍輅載旋敢宮已成天不佑予疾疢遽嬰
祭不躬行又廢諒陰言念及此何以為心嗚呼哀
哉時序易遷窀穸有日戀慕深深淚盡繼血躬奠

几筵祈 魂之臨庶諒哀懇俯賜居欽嗚呼哀哉

仁粹王大妃祭

殯殿文

癸卯五月十四日乙巳

親製代撰
今不可考

於皇 聖后克配坤元功茂塗山德比姜嫄丕闡
陰教玄化旁達經緯中壺雍雍穆穆仰惟 慈範
比如辰極顧予眇質叨侍椒掖撫我育我牖我徽
儀庶盡思媚永奉懽怡云胡微病遂成寢彌祈禱
無應嘗藥無良爰啓翟輅乃御靈湯期以調攝尋
復平康旋期云邇行宮喜溢豈意馮相告稷一夕
奄爾棄我攀號莫及叫天叩地何以為心嗚呼哀
哉天實難諶有德必壽其或不然嗚呼痛哉天曷

故焉天佑我家天與后德國永其祚民賴其澤
則篤其慶保我子孫往遭不造天何少恩曾未數
年二聖禮陟天荒地老痛恨莫洩謂天悔禍慶
衍長樂俾臧俾壽萬世為期天何不吊遽至於
斯疇昔在側晨夜不離今雖侍殯音容永闕嗚
呼痛哉吾將何恃視天茫茫視地邈邈肝摧肺裂
淚盡繼血恭奠菲薄聊寓哀思諒我哀思庶幾右
之

仁惠王太妃祭

殯殿文

癸卯五月十九日庚戌

撰進之臣
姓名不傳

嗚呼哀哉天可定乎天不可定孰謂皇天自民視

聽天若視聽有德必壽天何不吊而奪我 后嗚
呼哀哉昔我先王潛龍未起孽豎懷奸國勢中
否我 后密贊再熙鴻業間遭丕愆 二聖禮陟
取日虞淵離照重明我 后擁佑致理昇平壺化
旁達適駿有聲天何不吊遽爾降割嗚呼哀哉始
纏微疴終成寢疾巫咸不靈扁倉無術感涕靈泉
可以調攝我侍我 后於焉被浴心切祈天情同
植璧庶幾平康永奉 長樂胡寧棄我仙遊斯迫
音容永閤象服虛設我將何恃攀號莫及哀慕
不已恭奠一爵臨之在上冀紆歆格

撰進之臣
姓名不傳

中宮

王后貞顯

祭

殯殿文

癸卯五月十二日癸丑

式觀前代天祚邦國篤生聖主以為民牧又誕賢
助乃作之合內扶陰化外資鴻業在夏之興塗山
是因逮商之隆有娥有嫫及周之盛姜嫄任姒咸
有懿範傳芳儷義惟我祖妣方駕齊軌克協婦
則母德靡虧功貴宗祏弘我隆基若論功德於
古過之我后之初生于茂族表祥穎川毓慶沙
麓玉繩圖光克配世廟圓舒循晷齊明義曜方
祗體安德合乾儀密資潛龍化成開睢班政蘭
閨宣禮椒屋睿聞川流徽音允穆服繒示儉脫簪
申戒外戚稟訓謙冲靜退嬪御懷仁祝迎飲爵頌

遭多艱 二聖厭代蒼黃卒遽中外危疑親扶日
轂以浴咸池一言定策咸仰勇決權同機務簾帷
整設堂構是保慈仁照咻八載開政玄化旁流時
升大猷民物禔福油然冲挹退處長樂恭儉之德
鞠育之勞彼漢馬鄧與宋曹高方斯蔑如穹壤不
侔大德必壽擬享洪休偶愆節宣稍爽康寧于茲
禍殃沉痾是嬰巫咸效術歧伯進方祈禳無驗藥
餌無良乃紆玉駕靈湯是臨何圖一夕觀臺告侵
騰龍變彩顧兔淪輝收華委世颯馭難追初傳吉
語漸復平穩乾闥坤懌歡騰宮壺 翟輅將返期
率王度天乎不仁遽聞凶計事已若此心焉如割

嗚呼悲哉謂天未定生此 令淑洪濟艱難措國
盤石謂天已定既與之德胡嗇之壽乃至於此日
者南幸錦蓋旖旎如今還返珠襦盡梓千秋萬世
音容永闕淚盡血繼叩天擗地嗚呼悲哉顧予
賤質叨侍桂掖仰祝遐齡崑丘積核佳辰令節長
奉清讌嗟予薄祐為天所譴 宸駕長往無路可
尋瑤池景晏玉欄春深衡總滅容暈翟毀衽嗚呼
悲哉鯁岑石爛鰈海塵竭天荒地老此痛何極爰
就 攢室茲陳洞酌俯諒微忱庶紓歆格

列聖誌狀通紀卷之八

撰進之臣
姓名不傳

列聖誌狀通紀卷之九

德宗懷簡宣肅恭顯溫文懿敬大王

敬陵誌文

世祖三年丁丑初編懿敬世子誌文謚哀冊同

天順元年歲在丁丑我承天體道烈文英武

舊本

有王殿下即阼之三年秋九月癸亥王世子以

疾卒年二十越三月二十四日甲申以禮葬于

舊本

無于

高陽縣蜂峴之原王世子諱

字

舊本

御字以明字照字書之而此乃世祖命字事見

睿宗御字故今從實錄本世宗二十一年戊午九月十五日丙申

生寔

舊本有今

正統之三年也

舊事諸王子

夫人之

舊本無

將挽者必就外第獨

慈聖王妃

承 兩宮眷愛之厚故生 王世子於禁中岐嶷

夙成姿容端雅 世宗命名曰 視之異於諸

王孫至或親自提抱蓋愛之無已也歲乙丑春正

月始拜正義大夫封桃源君景泰四年癸酉春正

月進階承憲夏四月入學尊禮師儒遜志受業宗

室子弟雖老成舊本無老成二字有素稱賢有德五字者莫敢望焉

冬十有一月以我 殿下靖難之勲超拜興祿乙

亥閏六月乙卯 殿下即位羣臣請早建世子用

端國本於是撰日備儀冊為 王世子舊本有遣即字

使請命于朝 帝舊本有許三字諭曰王尚教以忠孝

以副國人之望初 世子入受冊命訖即朝于

王妃退又受百官賀終始益虔

舊本有以成大禮四字

羣臣

相慶曰我朝鮮億萬世之福也

殿下

舊本有為之二字

選

舊本有於朝二字

置師傅賓客及書筵官以盡教養之

方

世子亦樂學不倦引書筵官講說者日三焉

嘗讀書至舜典璿衡註其制度有難以文字解者

即與書筵官登簡儀臺觀渾天儀以與書之所載

反覆參證無所滯礙而後已

一本無而後已三字

他凡讀書

皆然疑則必問問則必審

殿下嘗以兵陣家業

也不可不知親授黃石公等書

自殿至書二十字舊本作益欲體之

身措諸事業故詳且勤若是至於四書

及黃石公之類則皆親受業於殿下服膺

聖訓造次不違故學

舊本有問字

日進以就高明

舊本有之

域二

殿下嘗謂

齊陵因以大蒐命

世子居

守授以符節使專裁決事皆得宜

舊本無自使至宜八字有使斷

機密

重事又令留卿庶士皆稟裁決於是人並

子夏

帝遣太監尹鳳等錫

錫舊本賜

殿下誥命

丁丑夏今

皇帝遣翰林修撰

舊本有

陳鏗等來

須即位詔兩使見

世子儀觀之美行禮之詳皆

稱嘆不置

舊本有三進絲幣以致教慕之意十字

每日鷄鳴朝於

兩宮問寢視膳盡其怡愉之孝事諸父以敬友兄

弟以信待左右仁而有

舊本無

威遇士大夫恭而

有禮故

舊本無

人無間言且

殿下嘗

舊本

教之

以儉約凡

舊本

輿馬衣服

衣服舊本

之奉

舊本有

服飲食之

務令朴素不為侈靡

舊本作義又有況敢以聲色遊日之

微八字

故極舊本作克備元良之德得民心之歸焉

娛累其心

乎十三字

其始違疾 殿下憂

甚即與之避忌于舊邸禱祀醫藥無所不用其極

於是疾少愈 殿下喜之凡左右侍藥者及軍士

之侍

舊本作宿

衛有勞庶士之奔走供辦者皆陞一級

既而疾復劇以至不諱

殿下與

王妃震悼撤

膳為

舊本無為字

罷朝市五日大臣等

舊本無等字

累請進

膳皆不許以素服終三十日宗親百僚下逮里巷

小民莫不悲哀涕慕曰臣民之無祿也吾

世子

之德而不克享其壽以卒也

舊本無自

至也十四字

歛之日

百官會臨亦以白衣終七日之制官僚皆服衰既

葬而除追謚懿敬舊本有子哀榮之典可謂無憾

無憾舊矣舊本有嗚呼古稱大德者必得其位必

本作備矣得其壽今於王世子之卒人不能無

感也是何賦其德而審其壽使不得有為於斯世

耶所謂天者不可信而理者不可必矣此臣民所

抱無涯之恨者也八十一字

皇曾祖諱寧贈正憲大夫兵曹判書皇祖諱永石

贈大匡輔國崇祿大夫領議政府事皇考諱確宣

授奉議大夫光祿寺少卿輸忠衛社協贊靖難同

德佐翼功臣大匡輔國崇祿大夫議政府左議政

領經筵事西原府院君謚襄節公公娶資憲大夫

吏曹判書

舊本有寶文閣大提學六字

謚文良公洪汝方之女

寔生淑德 世子為桃源君時擇配以歸承事

兩宮婦道甚順及 世子受冊同日封為嬪生子

男二女一皆幼昭訓慎氏權氏尹氏亦以衣冠茂

族選入宮中舊本無皆無子

集賢殿直提學臣李承召撰

封 王世子教命文世祖元年乙亥七月十六日按明

年丙子 子奏請使權蹲奉勅來而文不傳

自昔聖王咸建儲貳蓋將托神器奉宗祧也是以

易垂重離之象禮著元良之德咨爾元子御 德宗

身為嫡嗣合居春宮肆命爾為王世子爾其力學

不怠勉行三善庶幾撫軍監國永固丕基可不慎

哉

冊文

月日同上

撰進之臣
姓名不傳

王者受命必建儲嗣所以重宗廟社稷也咨爾元

子

御諱德宗

地居嫡冢宗統攸歸是用冊爾為王世

子噫爾其服茲寵命思主器之不易惟正人是近

惟敬德是懋豈不為宗社之慶也

撰進之臣
姓名不傳

謚冊文

一世祖三年丁丑十一月九日乙亥

天性所鍾恩情無間於存沒國典斯舉終始有備

於哀榮惟爾

御諱德宗

岐嶷英姿溫文德器問安侍

膳孝盡怡愉之懽重傳尊師學有緝熙之益監撫
之重允屬謳謠之望攸歸謂爾有宜君之資謂爾
為善繼之嗣庶衍龜筭丕承燕謀何我家不吊於
靈旻而乃身遽危於殤夭流光徂而勞心益怛佳
城卜而哀涕無窮載惟父子之間曷任幽明之恨
誕敷異數少慰英魂乃遣臣議政府右贊成黃守
身奉冊贈謚曰懿敬於戲弱冠捐膝下之恩少陽
鎖宮中之閨得其名不得其壽痛精靈之安歸傳
諸子而傳諸孫昭顯號於可久爾惟不昧當克欽
承

撰進之
姓名不傳

哀冊文 丁丑

維天順元年歲次丁丑九月壬戌朔初二日癸亥

王世子卒越三月甲申葬于高陽蜂峴之原禮

也龍攢撤帟蜃輅結駟翟茀婀娜羽衛森嚴主

上殿下哀繼明之不耀悼主器之無祿瞻東朝其

慘懷臨甲觀而悲惻載命詞臣式揚休烈爰撰德

於琬琰永傳輝於簡策其辭曰乾龍在天震索儲

祥仰惟前星曰位少陽姿相岐嶷德器元良溫文

端重英睿聰明大孝生知至仁性成 剛宮鍾愛

貳極居尊詩禮早聞膳寢是勤承順無違夙夜惟

謹惟聖天縱惟學時敏尊師重傅親賢遠佞左右

惟人輔養以正承 祧主鬯撫軍監國叅贊 聖
謨翊亮大業惕惕承乾明明繼离 天子曰命哀
服是宜羽翼既成盤石愈堅方嗣體而守國忽厭
世而昇仙嗚呼哀哉夏謳之啓堯顙類辛漢儲之
建已早周嗣之孝乃純藹民庶之懽心忤吾 君
之有子嗟九齡之不與遽三朝之未至嗚呼哀哉
龍顏永違 鶴駕長往乾維傾兮星躔掩耀坤
軸缺兮少海翻浪嗟震雷之奄驚悼七鬯之已喪
春宮閒兮鎖門講筵寂兮虛幌嗚呼哀哉金枝早
隕玉裕永閔仁何為兮不壽德何為兮不位究理
數之參差仰真宰其茫昧嗚呼哀哉龜謀協貞龍

岡卜吉玄宮啓扉縞衣載紼儼仙帳兮雲移殷簫
鼓兮泉咽風纒纒兮欲曉月淡淡兮將夕嗚呼哀
哉悲大夢之若此竟厚夜之不晨緬音容之何
在跼穹壤而無垠吁帝閭兮莫聞隱予心兮誰
敷嗚呼哀哉吉凶匪人修短關天哀榮極備終始以
全顧令德令儀之可尚而重輝重潤之難名配穹
蒼以不朽溢汗青而有聲嗚呼哀哉

追崇上尊號冊文

十
成宗二年辛卯正月二十四日丁酉

撰進之巨
姓名不傳

率百官遣寧城府院若崔恒進冊
領議政尹子雲進寶子懿敬廟

恭以大德必得其位無間幽明至孝當顯其親敢

虧終始茲舉追崇之典用伸歸美之辭恭惟
敬世子聖神難名溫文成性早居元良之極東觀
發祥克恢宥密之基後侗續緒念惟積累之至盍
上殊徽之稱臣諱御不勝大願謹奉冊寶上尊號曰
溫文懿敬王伏惟冀諒徽忱庶紆英顧膺鴻號之
有耀景鑠惟新錫介福於無疆綿洪益永

撰進之臣
姓名不傳

樂章

月日
同上

於顯我王聰明聖智發祥東觀啓佑後嗣既崇
徽號情文克備萬有千歲享我宗祀初獻
維上帝眷聖祖撫東方震索儲祥篤生元良

淵冲王裕學就將尊居貳極孝隆三朝撫軍監國
主宗祧積德深仁垂裕後人式至今休景命新
亞獻

維皇天祐東方眷聖祖索震祥偉吾王德盛

偉元良位少陽繼离明德日將偉吾王德盛

任監撫密贊揚謹三朝令聞彰偉吾王德盛

餘慶啓後王追徽號寶冊揚偉吾王德盛

純嘏錫無疆於萬世永流光偉吾王德盛

撰進之臣
姓名不傳

憲宗皇帝追封賜謚並封王妃勅
年乙未正

月二十九日巳卯奏聞使
金礦副使李繼孫賁回

得奏王所生父

德宗御諱

先封世子早逝及所生母

韓氏見在俱未有名號雖為人後者義不可顧私

親然顯揚之懷不能自己等因具悉王之孝忱茲

特追封故世子

德宗御諱

為朝鮮國王謚懷簡封韓

氏為懷簡王妃以遂顯親之志及頒給誥命并妃

冠服至可欽念

追封賜謚誥

月同上

惟君子德善既以敷遺於後人斯朝廷爵命有以

追賁於沒世所以厚人倫昭異數也故朝鮮國世

子李

德宗御諱

乃朝鮮國王

成宗御諱

之父天資清粹

賦性溫純早膺嫡嗣之封孰識仙遊之遽子今

恐有

字缺繼承桃之重爾亦宜進褒典之榮茲特追贈為

朝鮮國王謚曰懷簡嗚呼惟善有後何脩短之足

云惟德有聞諒顯榮之無間九原不昧服此休嘉

賜謚後加上尊號冊文乙未二月二十六日

官上冊進冊官月山大君嬪進實官仁山府院君洪允成

德盛者享福必豐無間存沒孝至者尊親為大宜

極情文况疏封於帝庭蓋崇號於廟貌恭惟

溫仁夙稟英睿生知東觀儲祥早著元良之嫩

前星耀彩允協謳謠之歸克恢宥密之基載綿鴻

庀之業伏念猥承積慶誕受丕圖永惟覆育之恩

每切顯揚之懇自天有命既見追王之榮舉國均

歡敢獻加尊之號仰冀冲鑑俯諒精衷日月齊明
保徽稱於不朽乾坤並久錫景福於無疆

撰進之臣
姓名不傳

樂章

月日
同上

思文我后天生德既受帝祉景命有赫永言
孝思享祀不忒於萬斯年永錫遐福

初獻

於皇天眷大東生聖神積德累仁啓佑後人式
至今休自天申恭敬溫文宜君宜王帝命不時有
烈光禮儀既備聿崇鴻名歲我精裡祀事明邁豆
以踐黍稷惟馨以假以享顧予將降福孔皆時萬
時億子子孫孫保無極

亞獻

惟我 聖天篤生巍巍德妙難名元良主 祧
令聞令望孝惟則貽燕翼開厥後咸罔缺寶曆永
綿綿於千萬年差穀朝上徽稱百禮洽大禧承祗
薦德馨香綏我思成載清酤設鼓鐘駿奔走肅以
雍醴假時靡爭穆穆厥聲於赫 靈如在茲既右
享無斁斯純嘏錫無疆俾昌 終獻

上 廟號冊文

成宗七年丙申正月初八日
癸丑 廟前二日

撰進之臣
姓名不傳

竊以有大德而得位存沒無殊在後侗而尊親顯
揚惟切茲奉升祔之禮用伸終始之情恭惟 懷
簡宣肅恭顯溫文懿敬大王孝敬生知慈仁風稟

儲宮毓慶基景命以維新 帝庭䟽封享大名
彌久茲追叙於昭穆冀永觀乎 宗祊臣不勝大
願謹奉玉冊上 懷簡宣肅恭顯溫文懿敬大王
廟號曰德宗仰惟 英明俯垂歆允日月同照昭
徽號於無窮乾坤並長綿洪祚於不墜謹言

延恩殿樂章

宗朝成

撰進之臣
姓名不傳

於穆我 王配天其德垂裕後人其慶則篤永言
孝思享祀不忒萬有千歲永錫遐福
於穆世初獻
維皇天眷東方生 聖神積德累仁啓佑後人式
至今休命維新有嚴 廟貌載佻載清于以妥之

神所寧陟降在茲左右洋洋賚我思成有烈光
籩豆有踐黍稷維香來享來格顧蒸嘗降福孔皆

時萬時億子子孫孫保無極

維皇曲
亞獻

維我

后天篤生丕顯德繫難名元良貞四方義

問昭彰聖且神孝維則昌厥後以燕翼翼夙夜慶綿

綿於千萬年赫新

廟於奐輪承大禧蔽精裡著

存僂有聞歆我芑芬洽百禮設鼓鐘駿奔走肅以

雖萬世觀厥成喤喤厥聲於赫

靈如在茲既右

享無斁斯錫嘏豈不那俾熾俾遐

維我曲
終獻

敬陵表石陰記

前西篆大字朝鮮國
王敬陵昭惠王后附

德宗大

德宗懷簡宣肅恭顯溫文懿敬大王

皇明正統

三年戊午九月十五日誕生乙丑初封桃源君景
泰六年乙亥冊封王世子天順元年丁丑九月
二日昇遐十一月二十四日葬于高陽東蜂峴良
坐之原壽二十謚懿敬成宗即位後成化七年
辛卯追尊為王皇朝賜謚懷簡妃仁粹徽肅
明懿昭惠王后韓氏正統二年丁巳九月八日誕
生景泰六年乙亥冊封粹嬪德宗追崇時尊為
王妃弘治十七年甲子四月二十七日昇遐五
月葬于大王陵右岡癸坐之原壽六十八

仁粹徽肅明懿昭惠王后韓氏

封

王世子貞嬪教命文

世祖元年乙亥七月二十六日己

亥○舊本貞作粹而按實錄初封貞嬪後十年乙酉因考實錄覽元敬王后封貞

嬪命改粹嬪則此是封貞嬪文故今正之

世子國本宜有賢配以共承宗社之重咨爾韓

氏元勲茂族禮義名家蚤配冢嗣柔順溫惠茲屬

春宮之建庸正爾位號命為王世子嬪其光膺寵

命益懋徽猷敬哉

撰進之臣姓名不傳

冊文

月日同上

建儲副所以固邦本正配匹所以重人倫也咨爾

韓氏生從勲閭蚤歸我家今冊封東宮宜正爾位
號爰命為王世子嬪爾其祗服寵命益懋徽範夙
夜無違永綏福履敬哉

撰進之臣
姓名不傳

封崇上尊號冊文

正 成宗二年 辛卯
月 十八日 辛卯

恭以仰惟鞠育之恩欲報罔極第崇徽懿之號在
禮當先茲率舊章載揚縟典恭惟 粹嬪殿下慈
仁靜一淑慎柔嘉賁 昭考之元良允執婦道訓
眇躬之愚昧式隆 母儀不有殊美之稱曷表推
崇之懇臣諱不勝大願謹奉冊寶上尊號曰仁粹
王妃伏惟光膺寶冊茂迓純禧 聖筭延洪益膺

萬歲之慶 長秋怡悅永享一國之歡

封崇王冊文

恐是撰出不用者而既載舊本故姑存之

撰進之臣姓名不傳

資坤以成恩罔極於鞠育尊親為大禮宜重於
推崇茲率舊章式揚縟典恭惟 聖善明哲柔
懿靜專儷 昭考而嗣徽音懋修嬪則誕眇躬
而詒 慈訓丕彰母儀嚮在承襲之初密贊保
佑之策家邦衍慶 宗社底寧顧惟厚德之酬
盍謹隆名之薦謹奉王冊上尊號伏惟俯循衆
志昭受天休彤管有輝庶奉養以一國皇圖永
固期怡愉於萬年

樂章

月同上

臣金宗直

職名撰

於顯聖母淑慎厥德秉心淵懿柔嘉維則化基
二南教形一國天命用申茂膺多福

憲宗皇帝封

王妃誥

成宗六年

乙卯

秦問使

撰進之臣姓名不傳

賁回

奉天承運皇帝制曰帝王因子推恩既錫爵於其
父而必榮及其母者所以昭慈訓之良遂顯親之
願也爾韓氏乃故朝鮮國世子李德宗之配今
國王御諱之母也作配賢良夙惇婦道篤生令

子克慎母儀夫既追贈於王封爾亦宜偕於異數
特封爾為朝鮮國懷簡王妃尚克敬承永光後胤

上王大妃號王冊文乙未二月二十七日

舟進冊右議政金礦進寶○按燕主二

年丙辰二月議政仁粹大王大妃徽號

日慈淑十年甲子五月上謚昭惠宗廟

當室俱有其寶而冊文並不傳哀冊誌文

亦不傳○又按徽號中徽肅明懿之肅舊

本從御牒書以淑字而譜略從位版

稟旨釐改故今從

譜略書以肅字

克嗣徽音闡翟儀於坤軸載稱盛美上鴻號於極
闡恭惟道繼虞嬪德協文母配先聖修諸內
治儆戒無違保小子式至今休劬勞罔極仰念顧
復每懷顯揚受天之光縟禮已隆於宮壺尊親為

大榮孝當盡其情文用伸歸美之辭聿舉推崇之
典伏惟丕膺寶冊茂對純禧長樂怡愉永享一
國之養壽筭綿遠將奉萬年之懽

撰進之臣
姓名不傳

樂章

月日
同上

思齊 聖母天實篤生配我先王維德之行
帝眷昭垂龍袞斯煌永膺徽號壽考無疆

撰進之臣
姓名不傳

列聖誌狀通紀卷之九



